

MASCARUBA LO CELEBRA SU 35 AÑA DI EXISTENCIA CU "KEINTURA DI AMOR"

ORANJESTAD (AAN) -- DIARIO tin entendi cu e actoman di MASCARUBA ta bezig ta preparando nan obra pa celebra e 35 aniversario di dicho grupo di teatro (orguyo di Aruba por cierto), den cual,

tin indicacion cu riba escenario lo tin mas of menos 16 actor, entre esnan consagra caba y hobennan cu lo hunga un papel secundario pero importante, e.o. nomber di un mucha homber cu ultimo

tempo a destaca den actuacion a bini acerca, esta, Ferdinand Franca cu tabata tin un rol hopi special den e obra hubenil cu hopi ta recorda ainda, cual a ser dirigi pa Miriam Reategui, esta, "Great, Ami y Mundo". DIARIO tin entendi cu entrenamiento ta duro, pero cu e boluntad ta grandi cerca e

streanan di Aruba cu ta briya den e firmamento di e asina yama den mundo di actuacion dramatico, e "Septimo Arte". E obra, aparentemente, lo hiba como nomber "Keintura di Amor" y ta un adaptacion di Hallo Dolly, cual por cierto, pa basta tempo caba ta den cartelera na Mexico, unda e actriz principal ta

Silvia Pinal, entre otro nan di e mesun taya.

Ta trata aki di un comedia musical, picaresco y alegre, pero cu na final como tur obra teatral tin su mensahe aden. DIARIO tin entendi cu e lo worde presenta na Cas di Cultura, y cu e spectativanan pa yena e sala for di aworaki, ta hopi.

H.M. CONSTRUCTION

-- Ta traha y drecha bo cas. --
Traha y drecha cura

Verf, pone dak y drecha dak.
Coba fundeshi y marca fundeshi,
pone mosaico. Tel: 45622

DIARIO

E matutino nr.1 di Aruba
TIN MESTER PA JOIN
E TEAM DINAMICO Y ACTIVO

Un persona pa traha como

FOTOGRAFO

Exigencianan:

- Tin conocimiento di fotografia
- Propio transportacion
- Traha independiente
- Conocimiento general di noticianan actual

Nos ta afrece:

- Un bon ambiente di trabao
- Oportunidad pa progreso
- Bon salario

Acudi personalmente durante oranan di oficina
na Diario Engelandstraat #29

LO POR TARDA ATROBE PA DRECHA PASAPORTE DEN VAKANTIE

ORANJETEAD (AAN): Ya cu e tempo di vakantie escolar ta na caminda, esta e temporada di Semana Santa y Pasco Grandi, Registro Civil y Censo su hefe ta trece na conocemento di un y tur cu tin pensa di viaha, pa tene bon cuenta cu nan paspoort mester tin un validez di por lo menos seis (6) luna pa por efectua un viahe pa cierto paisnan den nos region, por ehemple Venezuela y Colombia.

Ademas mester tene na

cuenta cu pa saca un paspoort nobo ta tuma por lo menos dos pa tres siman, esaki debi na e tantisimo peticion pa paspoort cu ta drenta na dicho departamento diaiamente.

No warda te na e ultima hora pa bo haci esaki. Corda cu no tin verlenging mas di paspoort. Tur hende mester haci peticion personalmente. Tambe tene na cuenta cu ora ta bai saca paspoort pa yiunan menor di edad, ambos mayor mester ta presente of esun cu ta voogd(es) di e menor, pa cu nan por duna consentimiento

pa e menor (nan). E menor nan tambe mester ta presente en conexio cu midimento y si nan ta ariba seis aña pa nan por firma e peticion. E mayor nan tin cu trece nan trouwboek y cu un identificacion sea un cedula, paspoort y e voogdnan cu nan documento di voogddij.

En especial ta pidi un y tur y especial esnan cu ta bai afor pa dokter pa tuma bon nota di e puntonan ariba menciona y check e papelnan na tempo pa evita cualkier inconveniencia of experiencia amargo.

GERENCIA DI TOP 95.1 FM
TA PONE NA BO CONOSIMENTO CU

STEVE MATTHEWS JR.

NO TA TRAHA, NO TA BENDE Y NO
TA AUTORISA PA **COBRA** NINGUN
PROPAGANDA PA TOP 95.1 FM

TOP 95.1 NO TA RESPONSABLE
PA NINGUN DEBE DI E MENEER
ARIBA MENCIONA

TOP 95
TEL: 59500 FAX: 50951

Bo kier tin bo propio
NEGOCHI?

BOUTIQUE NA BENTA
SITUA NA PLAYA

TEL: 32882

FAX: 34815

TA HUUR

Betonmolen grandi, machine di pillona potente, machine di wals, helicopter, vibrator pa cement. Pa mas informacion por yama tel: 76768.
Nos ora di oficina te 10'or anochi.